

曾日曼琴

曾日竹史

曾子璘

詩鈔

琴東訂
千里言

溫州市圖書館

大玉山館今體詩鈔 卷

共 1 册 存 1 册 排架号 08685

愛菊讀於比社昔民一九。

序

蓋聞馨香奉社徒寄籓籬奴僕命騷不依門戶所由自
我作古語必驚人對客揮毫才非罵鬼矣然十年面壁
豈真詩有別腸一縷心香不覺詞臻絕頂若吾友曾子
璘者枕肱秦漢凌轢嚴徐有仲洽之才兼茂先之博恣
汎剽之單慧脰合心思靳黈費於片詞昀分舊事棊歌
酒賦楮尙卿締其古歡文律言泉硯滓妃修其慧業是
以暝寫晨書之暇庚瓢乙卣之間奏金石以鏗鏘恣京
都之研鍊一篇跳出紙醉金迷數字吟成珠零錦粲多
多益善增玉壘之干兵汨汨其來湧璇泉之萬斛官樣
不輸於鳳閣才名久重於雞林非所謂當世伯喈後來

王祭者乎僕也幸同硯席叨列金蘭均幽摯於胡叟章
絃訂新盟於越人車笠推誠翬翬日親夷甫元談載悅
轉轉時示永明禁體常疑君有仙骨修到梅花每坐我
以春風拾其香草而乃彥和博學轉從沈約而獻書子
建多才偏向仲卿而索序自慚薄伎敢助引喙豹窺一
斑鳳析半羽帙貯邱遲之錦函團荀令之香定疑太白
重來孕含千古合許小紅低唱傾倒一時劇目鉢心窠
入鍾嶸之室雕今潤古誕登表聖之門固知劈衍波之
箋化仙霞而欲去搦凌雲之管書花葉以同清客有播
曲郢中摘其佳句子竟舉頭天外得此大觀道光壬辰
嘉平月祭詩日愚弟徐雯拜序於小赤壁山房

序

永嘉之會爲吾郡望族其先嘗顯宦往時臺榭花木之
勝甲於一方宗族姻黨歲時聚會觴咏鼓歌輿服雍容
閒雅甚都恍然承平故態也獨子璘曼栞兩君皆窮而
工詩子璘天資神悟博極羣書其爲詩學李太白黃山
谷而汪洋恣肆放乎繩尺之外高才逸氣傲睨一世詩
愈富而境愈窮年裁逾五十而死且無子曼琴則誠
篤溫克言笑不苟詩不多作而性情真至如其爲人舉
道光乙酉拔萃科卒亦無所遇老而授徒於怡園兩君
既歿其從父竹史先生檢得其遺詩屬余兄琴西選定
之子璘之詩幾五六千首猶有散佚未見者其富如此

08685

余兄痛爲刪存尙得三四百首返體居十之九曼琴詩
既不多又不盡留稿故僅有存者然亦足以傳曼琴矣
竹翁將謀鈔版而遽下世哲嗣秋媚復集貲合刻之而
以其尊人所遺雜著數首附焉竹翁留意文獻凡吾郡
之善詩書畫者雖殘縑斷簡皆藏弄唯謹况其爲一家
之集哉秋媚善承先志尤可敬也子璘負詩名甚盛余
恨不及與之游而曼琴當咸豐三四年間與余相聚於
怡園最久深服其踐履篤實勤學好善無愧於古之賢
者詩尙不足爲曼琴重也竹翁父子間余亦雅修紀羣
之好故樂斯刻之成爲題數語於卷端然而俯仰昔游
不能無宿草之感矣同治庚午六月止庵孫鏘鳴撰

太玉山館今體詩鈔

永嘉曾元琳子璘

從弟良箴秋媚編校

春江打魚圖

烟柳春江畫不如綠波一棹夕陽餘扁舟誤入桃花岸
載得桃花勝鯉魚

淚

不學南冠泣潛然空有因他鄉風景異名士性情真白
髮尊前客青衫座上人年年弔湘水一掬感靈均
零落墮鮫珠無聲空向隅襟緣知己濕樹爲至情枯臯
羽竹如意靈芸玉唾壺春愁傾瀉盡留得一痕無

婉轉聽君歌當筵喚奈何祇今憔悴枕自昔是橫波斑
竹愁痕重紅綃別恨多溶溶無限思不喜畫長蛾
一別卽天涯含愁掩絳紗難爲留客雨易作斷腸花妃
子玉容寂佳人燈影斜石榴裙尙在六幅已如麻
菱花
十里平湖罨畫烟種花水面界爲田舟人信口江南曲
漁婦梳頭鏡裏天斷岸有霜千葉碎橫塘無月一罨圓
鯉魚風信明朝好擬放瓜皮小小船

蓼花

一枝紅穗壓汀洲畫出荒涼水國秋雨乍過時扶瘦鱗
日初斜處見輕鷗餘霞影斷烘波面新鴈聲高落渡頭
莫怨江南花事寂打魚舟外采菱舟

無題

愁采花南蛺蝶枝香奩春信落燕支青青剩有窗前柳
依舊東風叫畫眉
流水彎彎繞畫溪屏山面面種紅梨西冷橋畔梅花月
愁照香魂過兩隄

月夜偕同人遊小西湖

明月涼宵逸興催小西湖上共徘徊藕花世界新詩句
竹里人家舊酒杯古寺僧歸燈影暗畫樓夜靜笛聲來
挈衣飛上松山頂長嘯臨風跨鶴回

小園遣興

紅丁煮罷客初醒
蟋蟀聲聲可奈聽
新月漸生松徑白
好山多壓粉墻青
數行几上來禽帖
一卷床頭相鶴經
堪笑小奚癡懶甚
汲泉時用插花瓶

富春江上

壬午

漁謳聲裏泊江濤
落日高臺隱富春
白舫於今招我輩
青山自古有傳人
征帆葉葉飛橫渡
夜火星星落遠津
莫歎釣名千古恨
羊裘物色在風塵

舟中夜起

載酒渡江去
詩人思渺然
推篷看明月
倚枕聽流泉
孤鴈一聲遠
秋懷何處牽
無情懶童僕
襖被正酣眠

江心寺題壁

別有一天地
恍來蓬島間
諸天散花雨
大地此仙窠
入寺磬如語
種松僧自閒
烟波飛面面
合喚小金山

半閒堂

癸未

刀戈聲裏坐消閒
宰相風流孰可攀
書報君王且高枕
猶留半壁小江山
秋風蟋蟀破荒涼
葛嶺新開小戰場
惟有老夫閒不得
此間劫亦似襄陽

擬王右丞過香積寺原韻

行尋香積寺
隨意數青峯
落葉人迷路
夕陽僧打鐘
細泉生暝壑
寒翠上孤松
薄暮閒携杖
飛梁似卧龍

石門懷劉文成

甲申

寒瀑秋深生暮烟，碧蘿深鎖洞中天。
酖人叔子竟如此，望氣金陵已黯然。
謝傅在山關治亂，鄴侯出世誤神仙。
卧龍未遂躬耕願，愁說南陽負郭田。

旅館夜坐

挂壁一燈寂，雨風長掩關。
鄉心千里鴈，客夢萬重山。
寒色度窗隙，秋聲來樹間。
閨中愁少婦，屈指幾刀環。

偕同人遊雲林禪寺

同上冷泉亭，峯巒四壁青。
寺深雲磬語，門迥海潮聽。
佳句僧能隱，名山佛自靈。
禪房花木好，遊屐未曾經。

蘇小墓

香塚無人草自芳，西泠松柏半荒涼。
楊花命薄難言恨。

桃葉情多易斷腸，油壁年華消逝水。
玉鈎心事怨斜陽，夜深環珮歸來後。
曾否臨風憶阮郎。

登後山

西風吹破帽，一路背斜曛。
秋色滿紅樹，客心隨白雲。
江山餘虎氣，心事渺雞群。
指望林間寺，疏鐘日暮聞。

短簿祠

野花憑弔梵王宮，故宅荒涼石澗東。
入幕參軍知喜怒，渡江司馬負英雄。
半甌藜藿無真味，一卷毗曇有古風。
椽筆年年春夢寂，黑頭那復問三公。

遊白公祠

秋色荒祠一帶疏，木犀香裏醉人扶。
乍携吳郡新詩本。

還憶江州舊酒徒，作客年華悲老杜。浪遊風景記髯蘇，
祠內有懷杜閣仰蘇樓隣家尚有天隨子，落落襟懷得似無。

桃花塢

千古文章厄斯人，更不平酒徒餘涕淚。才子得狂名，白
壁生前憾青山。死後情桃花零落甚，愁聽寺鐘聲。今爲準提庵

甫里祠

笠澤書成事業新，扁舟歸去不稱臣。頻教風月窺真宰，
從此江湖有散人。百畝租茶欣得地，千金打鴨笑無因。
白蓮門外花開日，猶憶君家句入神。

秋江晚眺 庚寅

甌江秋色認依稀，九月行人未授衣。十里斷雲連鴈遠，
一江寒雨挾潮飛。登樓客思多寥廓，隔岸山光有翠微。
指點寺門松影暗，鐘聲隨月出林扉。

華蓋坐雨作

與雲分住屋三間，涼夜橫經坐掩關。人影短檠依古壁，
雨聲殘葉下空山。十年親友頻相問，一夕秋懷悶未刪。
回憶前宵風月好，碧天無際鴈飛還。

秋夜寫懷

予懷渺渺更何期，萬籟無聲獨坐時。秋老入山聞雨早，
夜涼待月看書遲。攢眉白社不關酒，回首黃花空賦詩。
爲訊休文今病起，西風南鴈苦相思。

辛卯秋試晤姚薑山於武林挑燈話舊出其聽雨
樓圖索題時以秋疴復作舉筆手戰匆匆束裝
歸今春苦雨悶坐小樓竟夕不寐率得五絕却

寄括蒼

畫裏青山是括州年年王粲此春遊故人家在青山外
暮雨瀟瀟獨倚樓
千里家山夢不真征鴻聲裏未歸人誰知一夜臨安雨
又瘦東陽病後身
夜雨橫經意惘然懷人況值落花天空庭舊種芭蕉樹
怕遣繁聲到耳邊
垂簾一月雨濛濛料峭春寒似客中剛道杏花消息近

小樓昨夜又東風

相思何日慰尊前又是槐花送解年重到西湖尋舊約
一燈風雨對床眠

舟次青田寄張少白大令

應庚

卽和贈行原韻

一葉隨鴻下早秋狂來更學少年遊江潮入夜天風緊
明日青山是括州
行裝草草動離愁一路槐花送客舟今夕故鄉風月好
知君應上望江樓

過嚴陵灘再次前韻

舟中觸熱不知秋紅藕花香載妓遊水國夜涼風更好
一帆明月過嚴州

鱸魚風味破鄉愁斜日青溪又放舟遙指秋山最深處
疏林一角露紅樓

書贈薑山即次青士寄茶山韻

故人家在碧溪頭門外溪聲日夜流三疊琴心隔秋水
相思多上十花樓

舊日題詩滿酒樓少年意氣壓名流祇今夢裏尋君處

又到吳山最上頭

戊子秋與姜山訂交於吳山今三載餘矣

九日登吳山

愧乏滕王作賦才一年為客獨登臺山形逶迤連天遠
海氣蒼茫捲地來故國音書鴻鴈少懷人消息菊花開
何當放眼乾坤外笑酌長江入酒杯

斫劍王郎本負才臨風長嘯上高臺青山許我題名去
丹閣看人禮佛來祇為思親佳節至况逢知己好懷開
秋深家釀應將熟歸插茱萸再把杯

將返永嘉留別東郊

六橋三竺古杭州下第劉蕢亦倦遊油幕芙蓉淒客思
西風鱸膾動鄉愁嵇生落拓邀青眼王掾蕭騷誤黑頭
歸去黃花開正好思君日上望江樓

和友人作二首 甲午

河聲嶽色尚孤墳甯遠阡頭盡落曛二賊幾時消白鉄
諸生異代顯青雲忠能憂國綱終罷義以成名澈半分
太學他年逐游士不堪重讀捲堂文

丹陽陳少陽墓

忠魂未鳥望歸來斜日黃雲黯不開柴市衣冠三載血
弋陽風雨一聲哀平生壯志餘殘淚末世詩人盡廢才
擊碎手中鉄如意亂流嗚咽下西臺

西臺弔謝皋羽

南唐宮祠

南朝天子愛風流自捲真珠上玉鈎醉聽花飛歌水調
笙聲寒徹小樓頭

皖公山色照杯中湖上蓮花碧閒紅夜半琉璃池上望
美人一劍識吳宮

丁香細雨太多情小部王郎字字清一幘碧霞稱仙爪
別宮供奉耿先生

流光濕雨夜如年金獸香爐裊裊烟生怕燭光紅損眼

瑤樓高處一珠圓

黃羅扇底寫清歌一種銷魂奈柳何欲寄慶奴重惆悵
此中洗面淚痕多

七夕牽機酒一卮人間天上苦相思可憐粲粲黃姑女
猶照官家誕降期

仲宣繡葆不勝嬌驚破琉璃恨莫消不信豬兒年已盡
宮中更養赤痕猫

落盡櫻桃總不知緋衣夢裏豆空筵王師已報江南下
猶拂金箋綴小詞

拜罷空王事已非惜惜日暮諫書稀何如乞食韓熙載
拍板絃琴破衲衣

研山難易好家居花落池凹不見魚剩得澄心堂樣紙
令人長憶撮襟書

金字先留北狩機渡江倉猝雨絲飛春來花發蓬萊紫
人宿龍宮更不歸
夢回鍾阜月如霜烟草低迷空斷腸怕復尊前逢薛九
青衫紅淚唱嵇康
兄弟金香一解顏柳花鶯子稅全刪南朝尙有黃幡綽
長占青溪一角山人間天上苦休思
教坊無限別離聲不與霓裳詠太平一曲淒涼怨亡國
知音不獨老曹生

前蜀宮詞

栗爆紅爐繡褥殘茶翻金鼎夜吟寒平生狗子猫兒力
明日盧公拜大官

楊花飛去杳無踪梁苑隋堤怨露蛩一樣風流解亡國
柳枝猶自唱韓琮

月華如水浸空庭好語癡人酒漫醒赫赫五雲池上宴
玉簫爲我唱瓏玲

美人日夜倒金壘濃抹燕支上兩腮新製醉妝詞更好
蓮花冠子那邊來

淪落風塵後事非翠華日日照春暉不堪哀怨甘州令
齊著雲霞一色衣

六宮拋盡百花毬回首笙歌隔遠樓門外齊歌十八子

悞人阿魏恨悠悠

後蜀宮詞

分明餘慶納新年回首桃符事惘然
一自高冠翻舊樣長鞭萬里去朝天

竝肩樓上話依依水殿風來一扇飛
自愛美人妬花蕊不知前有小徐妃

愁說宜男意惘然紫衣挾彈拜張仙
法雲寺裏中元節誰爲官家祝萬年

葭萌題壁恨茫茫零落殘花怨晉王
馬上杜鵑聲更苦香魂歸去碧雞坊

淚損花鈿尙有靈白楊樹下舊娉婷
玉章金簡終超度深領生神九卷經

釵橫髻亂月光斜今夜樓臺昨夜花
環珮歸來娘子院蕭蕭古木認宣華

閩宮詞

西湖五日駕龍舟彩伴同聲唱樂遊
夜半宮中來赤鳳荷花紅處水悠悠

殿前新摘荔枝香小女都憐十八娘
底事李家進春燕九龍帳裏泣歸郎

吳越宮詞

高揭吳喉一唱訶下車先自拜錢婆
我儂你輩皆歡喜此地風流占更多

河山滿目淚痕斜
愁說臨安是我家
白髮驚鴻今尚在
挽歌催送木蘭花

南漢宮詞

趙家黃屋又劉家
玉液池中月自斜
執梃降王歸不得
紅棉飛絮入宣華

羅浮已水讖南宮
縹緲梅花是夢中
回首岡前罷歌舞
佛桑五月可憐紅

冬青樹傳奇題後

孤兒寡婦此乾坤
夾馬營中日已昏
玉牒才人零落盡
末年留得趙王孫

蘭亭真本出昭陵
痴殺紅兜一个僧
多事臨安壓王氣

有人玉匣渡西興

牛角山河尺土存
六陵風雨總銷魂
故宮認取冬青樹
破帽殘衫拜墓門

蘭亭會葬黯傷神
零落人間草莽臣
漫妬玉潛多後福
霽山不愧宋遺民

安樂公

二火銷亡漢井涇
陰平往事一沾巾
西川父創三分業
北地兒悲七日身
死得此間依樂土
生知故國哭忠臣
無情莫怨譙周輩
降表傳家盡蜀人

雨中登六和塔次少白韻

烟雨黯樓臺
詩懷鬱不開
天連飛鳥去
潮挾大江來
湖

海有豪氣山川無棄材十年重過此塔院試茶盃

自慰

擁門秋色易黃昏桑落人家酒滿樽采菊每思見君子
落茵何苦妬王孫玉壺夜夜襟懷朗金管年年品第尊
十八洞天長瑤草不無清夢到南村
柳葉林閒朝學字木犀香裏夜參禪大名早信居王後
急業終當作佛先至竟選瓜非相士不妨譽樹是推賢
上林雨露春如海無負蒲桃作貢年

薑山重九生日同人冬以酒祝不可無詩口占一

律以爲噲引

鯉魚風裏看潮來幕府青袍是妙才難得少年文酒樂
况逢生日菊花開豪情且擬題餽去好事還期奪錦回
叨有茱萸兄弟誼祝君三萬六千杯

卽事二首 乙未

今年花較去年遲黃菊尊前見尙稀鄉信喜聞紅稻熟
客心長逐白雲飛夢回湖上三生石寒到身邊九月衣
鄭重臨行慈母線遠方猶怕寄當歸

挑燈話雨對秋池客裏重陽有所思到處詩名慚說項
人時妝樣不知眉一錢留與看囊溢半日飢惟顧餽痴
親士近來貧更甚無才空受老奴知

將歸永嘉薑山及諸同人爲予餞行並以詞童勸
酒戲成四律答謝卽以留別

梅花春酒照詩臞拚得風流一醉無半世遊蹤荒北里
三年吟興負西湖怕聞吳語彈棋局未了名心擊唾壺
目是季鷹歸思切此行不盡爲莼鱸

狂來擊劍意縱橫落魄依然載酒行笑我散花猶着體
依人飛鳥况多情聊存賈島推敲趣肯受樊川薄倖名
莫遣玲瓏歌此曲柳條殘淚滿金城

逢場花月且勾留檀板金樽破客愁大白快浮邀戰拇
小紅低語索纏頭成功未拜龍鬚友食肉難封燕領侯
苦乏名箋轉相贈淒涼羅隱在杭州

隱隱寒鐘隔浦聞渡江紅樹醉斜曛他時夜雨還思我
別後名花半付君榮世文章皆朽木逼人富貴亦浮雲

自知不解屠龍技歸去青山讀典墳

薑山邀余及徐耘石過鳴鶴樓看菊座間遇桐鄉

李檀生燁一見如舊卽席口占四絕贈之

青油幕下選蓮花玉樹蓮花品自華久羨桐鄉好山水

乾坤清氣在君家乃兄茶山工詩

生成中散合餐霞蕉雪畦封自一家但有傲霜奇骨格

何妨人瘦似黃花檀生善病

愧無八月枚乘筆來聽秋濤萬里聲能爲長江寫奇氣
人間今有李檀生

君如明月我清風相對無言臭味同他日重逢花一笑

定交知在畫圖中頃求檀生爲作名花十友圖

咏王明妃

琵琶淚不到君前
悞我黃金又十年
至竟玉門關外月
秋來却比漢宮圓

錢江待潮

對酒難爲別扁舟
古渡西浪痕依岸
靜蘆響入風低殘
夜海生月空江人
聽雞歸心逐流水
明日向蘭谿

富春舟中

烏桕兩三花漁村
四五家暝痕隨野
鴈帆影濕江霞天
遠雲連樹風寒鷺
立沙一燈人語處
傍暮響魚叉

桐江夜泊

夜色渾無賴孤舟
又富春一聲初起
鴈千里未歸人家

遠夢難到天寒燈
漸親故交在何處
殘月墮江湄

晚過七里瀧

江上晚霞晴推篷
暮景生白知雙鷺
起青覺亂峯迎灘
逆風無力波翻月
有聲年年瀧口水
尙作不平鳴

舟夜懷人

不寐愁聞鴈懷人
一夜中天涯幾明
月江上已寒風今
夕露華白孤舟燈
影紅歸期君莫問
話雨此情同

時借雲石

同歸

早發嚴州

破夢一聲艣清光
已透簾白鷗浮水
靜紅樹著霞嚴爽
氣千山合秋懷昨
夜添小溪更回首
初日亂峯尖

江行

客思三秋緊鄉心一鴈馳灘遙聽水響山轉覺舟移落
浦雲飛疾衝烟鳥去遲尖團風味好屈指數歸期

聞鴈

聞然群動息一鴈唳晴空長夜不堪聽相逢況客中山
間黃葉雨江上白蘋風獨起披衣望殘星猶在東

贈雲石

十花家學愧相承許我西南已得朋丈六金身終易化
尺三汗脚恐難勝文心漸解劉中壘詩癖猶存杜少陵
生有青蓮腦後骨不隨人世共模稜

舟泊白洋山

暝色起前灘舟行淺水難孤烟風外直落日渡頭寒隱
隱暮山紫蕭蕭楓葉丹今宵明月好猶是客中看

野望

斜日薄無色長空惟鴈還蒼烟漫極浦黃葉響空山數
點寒鴉外一灣流水間秋光太蕭瑟畫意不教刪

白華晚泊

又是泊舟處蘆花吹滿灘溪雲春碓冷林葉攪風乾白
鷺一拳暝青山四面寒昨宵船上月把酒許重看

晚至永康

孤塔矗雲立舟中見永康噪鴉翻亂葉老樹倚斜陽水
落灘流緩風行野色荒江天無限好收取入歸囊

夜宿永康

十年作客此重投地主如君未白頭九月衣寒裝絮薄
百篇詩好破囊羞殷殷雞黍還叨惠渺渺江山孰寫憂
歸夢今宵猶未穩宛然搖曳在扁舟

山行雜詩

筍輿小小卧看山無數秋聲落葉間一首新詩五里路
吟心轉妬白雲閒

衰柳河橋管送迎半肩行李記山程年年作客誰青眼
贏得輿夫識姓名

黃土堆墻一帶斜荒荒村落兩三家一枝點綴秋光寂
屋角紅開月季花

笛聲吹出碧雲開石徑停車坐幾回知是隔林松鼠過
紛紛黃葉打頭來

溪邊朱橘樹玲瓏纔飽新霜分外紅長憶故園秋色好
萬株掩映夕陽中

日暮空林叫竹雞人家多在亂峯西西風忽捲炊烟去
一水滌洄見裏溪

村店曉起有感

拔劍一起舞聞雞生壯思冬心松後覺曉色鳥先知客
路幾風雨予生多別離故人須努力共勉及時爲

宿縉雲縣

小小縉雲縣桃源境倏開青山圍屋住黃犢隔溪來芋

栗家家稅松杉處處栽仙都高處望彷彿似蓬萊

度隘頭嶺

我豈陶彭澤歸來感昨非天寒松子落秋老雀兒飢嶺
樹綠藏屋籬花黃照衣柴桑今不遠好逐岫雲歸

山家

四圍紅樹畫中家當戶青山石徑斜十月摘餘霜後果
一枝開早雪前花留人缸面新篘酒餉客甌中舊種茶
可惜風塵馳逐者匆匆不及話桑麻

却金館夜坐

夜半將成寐愁來復剔燈犬聲寒似豹月色冷於冰歸
思陶彭澤秋懷杜少陵羈人當此際夢覺兩難勝

舟過青田有懷鶴田先生

落落琴心大雅稀驚人惟有謝元暉九秋滄海羣鴻戲
萬里雲霄一鶴飛博士清華尊務觀熱官爛熟識王晞
熏籠認取珊珊骨宰相風流自白衣

吳山風月憶當時末座黃裳久受知老子清談揮玉塵

故人高誼解金龜長思雪鹿諸峯勝先生祖墓名雪鹿阡未得雲

龍一日隨我欲買田來此住洞天深處種青芝

渡江

半江鴈影送歸橈孤嶼鐘聲夜落潮北郭青山橫舊日
西湖明月夢前宵也知過客流年換祇剩狂奴故態驕
遊子身邊慈母線當歸餘恨已全消

戲效隨園咏錢十六首

結習難除田舍奴且隨歲月較錙銖十年樹亦猶如此
一日君原不可無與世浮沉知冷暖爲人乾沒見榮枯
何須更作錢愚論天下紛紛一孔儒

年年債帥築謔臺不信黃銅是美材道廣縱難滿陳實
事諧何待問文開佳人勝會裝龍去名士奇情設鵠來
漫怨紅爐斷消息陰司日夜鑄橫財

金門紫闥老王孫誰念詩書夙好敦擲地文章其我選
潑天富貴以兄尊能輕季布平生諾祇記淮陰異日恩
獨恨鄒人不知禮公然挾策上西園

紫標黃榜一時新神寶何愁不療貧况有幻形能使鬼
更無奇物可驕人浮波葉小方迎夏滿地榆飛又送春
祇望長安居甚易真珠如米桂如薪

直與皇家一例傳四銖以後盡編年摩抄日久人情薄
閱歷途多世事圓幾見文臣終不愛獨於名士總無緣
從今得寶須珍惜也學明珠細細穿
尋常日用不尋常省陌依除尙短長九府輸材同入貢
一朝用命獨當陽江間風月春無價天上星辰夜有光
措大依然眼孔小秋來誰爲辦行裝

宜古宜今樣不同利人端的在虛中久無元寶呼王老
那有青山葬鄧通鑄自沈郎終恨小數來姪女更誰工
黃梅苦作家家雨待把詩情問太空

六經有字半傳訛能抵黃金值幾何奇貨可居無奈汝
流泉不竭更憐他通功布粟行難遠爭利錐刀誤已多

解爲先民換稱號誰知貽害在雙戈
一生無分到黔婁大有神祇在上頭三品龍飛兼馬走
兩間山積更川流不言未必皆賢聖苦好誰當問劣優

底事執鞭轉欣慕看人騎鶴上揚州

孔方舊誼是通家入世王清況有華行樂人生金埒馬
鍾情我輩綺園花宏微事事開文簿耘老朝朝挂畫叉

一曲渭城本領大看誰落落用泥沙
白打逢場願已非青蚨無翼不能飛收書心事年年負
潤筆生涯處處違自信掩船陰德在誰知買宅故交稀

荒涼莫問長生庫留得春寒未典衣

買春無力故遲遲踏甕書生个个癡來似神龍猶見首
去無全豹也留皮乞將甘旨供慈母拚得工夫洗祿兒
擬種梅花三百樹爲君早辦一年貲

大資無從計五千十流百串兩茫然搏泥一塊愁何有
買筆三文情可憐雙陸與花分勝負六銖無服較輕圓
聘貲二萬終難補忍爲塵緣更累天

尙能鏟利到吳山入室牛聲亦等閒六弟治生今大可
三郎負債不須還我憐和嶠生多癖人笑王戎死更慳
但得杖頭堪取辦與君日飲白雲間

石塘萬古名常在寶牒千年姓亦佳喜我用銅還用鉄

勝他營奠復營齋散籌幾見人能使藏窖愁無地可埋
默向仙翁乞神咒不期飛券到天涯

嗣功有物通龜貝博古何人識馬形入世無如長袖舞
保家防失念珠靈手憐寒士生來赤眼到豪奴分外青
祇願太平長百歲中宵卧看市樓星

陶靖節有乞食詩顏魯公有乞米帖名賢遭際自
古皆然僕何人斯敢以爲愧借三寸管以排悶
亦澆塊壘之一法也作乞米十首

土銼無烟似客中一年生計困河東煮來白石形猶幻
量盡黃沙智已窮枵腹讀書誰得味飢腸索句更難工
殷殷五秉高情在愧殺江陵積穀翁

三日於陵念太癡可憐匍匐又何之別無殘粒同雞數
安有餘糧代鶴支死恨侏儒還得飽生愁巧婦總難炊
人間處處居非易漫負香山五字詩

入室蘓秦面目黧頤羹無分到山妻飢來驅我言猶拙
勢自因人志每低百里前途辜母望一家終日怕兒唬
祇今五穀誰分辨莫更相逢念殺雞

監河一貸又空回貧到蒙莊亦可哀曹室無倉空積卷
謝家有斗只量才檳榔戚里言消食藜藿人情解避災
多事江南韓熙載哥姪院裏負琴來

無計能分一粟陳敢期升斗活波臣寒春夜夜空流水
破甑朝朝漸壓塵餅可充飢徒笑士菜仍有色轉憂民

勝地營復復營
勝地營復復營
勝地營復復營

三旬九食都消瘦不獨東陽姓沈人
一斗分明尚可春幾人兄弟得相容門前香積家家鉢
齋後闍黎處處鐘未免催租猶有吏縱思學稼不如農

世間多少魚羹飯除却中書竟莫逢
萬卷撐腸氣自華可堪官廩問蝦蟆研荒日久全生草
囊敝春寒不見花芒屨歸尋居士里毳袍行乞美人家

齊奴富貴知何日豆粥蕭蕭待咄嗟
薇蕨香聞逼首陽英雄餓死不尋常三年學道無言穀
七日彈琴竟絕糧善飯廉頗徒作健呼盧劉毅可能狂

天家日賜防風粥誰念人間有庾郎
痴盡窮愁第五倫平生過飯豈無親欲敲牛角誰知己

怕給猪肝更累人入室共炊能作達叩門乞火或妨仁
分明負郭田猶在陋巷顏回不怨貧

綠葵紫蓼白鹽稀辛苦王孫歸未歸餒餒氣多詩味薄
糟糠情重酒名微若敖故鬼應知餒楚國佳人奈忍飢
回首鷺湖山下路年年長喜稻梁肥

鈕蓉鏡 芳津 索詩卽題其甌江春泛圖

如此風光更遠遊那堪載酒獨登樓騷人小寄芙蓉幕
鄉夢多縈鸚鵡洲但得江山助吟興不須詞賦動諸侯
五湖烟水年年綠何處扁舟遣客愁

風流何減鮑參軍仙鶴翩翩迴不羣春水一帆猶作客
落花三月又逢君豔聞樂府紅牙拍妙入書家白練裙

試向江南望江北相思他日洞庭雲

沈仲蓮乞詩

玉樹烏衣好弟兄青箱江左舊家聲陸雲入座無常語
潘岳閒居得重名休執今山論古海且從花譜定詩評
相逢不敢題凡鳥會上雞壇證夙盟
鼓瑟湘靈夢已非暗中摸索總迷離真龍此日人誰好
老馬前途我不知一字商量師鄭谷十年慚愧長袁絲
秋江回首芙蓉發莫與東風較早遲

贈香坪

酒肆藏名不問年六張五角總由天磨穿白鍊桑維翰
散盡黃金李謫僊我輩狂名三萬絹人間好事一雙田

羨君放眼青霄外富貴浮雲亦偶然

瀟洒冰襟自出塵飛言如雨大無因最難元伯爲知己
直信朱生不負人入座一花孤結習遶床六雉老精神
君家佳樹今何許待看榴花照眼辰

我非二謝本平平恐負傾筐倒篋情幾處尋常添酒債
一年辛苦築詩城難從端伯分花友還擬襄陽拜石兄
毛穎陳元都寂寂惟君能守歲寒盟

輸贏黑白各分明何必觀棋動不平蒼狗須臾幻世態
黃牛奇險閱人情新陰院落桐初長今雨池塘草又春
曾說此中宜飲酒與君緘口莫言兵

寄少白都下

遠道相思又采蘭夢中芳草路漫漫長安米貴居非易
海內交多擇更難莽莽江山當下筆瀟瀟風雨勸加餐
出關久繫蒼生望更待乘車看郭丹
少年裙屐壓名流不數居鄉馬少游萬里桐花終得意
三春萱草自忘憂關中人物多青眼天下公侯半黑頭
我本出山爲小草也思桂朮待兼收

虎頭失計比鈔胥湖海元龍氣不除臺上黃金尋夢遠
案前青玉報恩虛歐陽吏事猶難及供奉仙才未可如
多謝大兒孔文舉殷勤薦襴屨移書

賣珠補屋意蕭然不忍狂來便問天寂寞元文期壽世
荒涼黃籍怕增年卽酬皇甫碑中字已少顏回郭外田

辛苦三場志溫飽累人又計辦裝錢

東潘小石

時讀書
都下

論交束髮近何如碌碌三年未寄書中散寡言生性嬾
孟公多病故人疏文章事大誰知己兒女情深獨累予
莫道長安居不易故鄉無米更難居

詩禮年年侍鯉庭江山筆下地能靈因人不熱看黃甲
與俗何仇對白丁三日吳蒙當刮目十年東野久忘形
君家玉樹皆清貴猶喜相逢眼易青

將有西泠之行留別偉臣祥封

阿邛遮道笑驂駒三十蕭郎頗有鬚東女效顰西女耻
南人知味北人愚荊州已破天荒未淮水猶遷地氣無

宮錦行家花樣在且依陶穀畫葫蘆

肚皮恐不合時宜閉戶播琴但詠詩愁對藥爐看病婦
嬾刊錦帶課嬌兒米鹽事瑣能為累香火緣慳或有痴
一卷靈飛無上旨何人說與小儒知

秋色高懸月桂林壯懷千里動行吟上書怕負鍾離意
遊學能堅郭泰心咬斷菜根思作事燒殘桐尾乞知音
人生行樂輸張翰乘興登舟一聽琴雲石約同行不果

布帆無恙筍輿安如此江山足卧看山色東迴少微雨
江聲西下子陵灘敢期捷徑登雲易不忍長歌行路難
十四年來辛苦地錦衣祇願博親歡

吳山立馬古杭州長嘯鸞皇最上頭慘綠少年居末座

元龍豪氣在高樓文章得失難言命花月猖狂不諱游

一自洪巖仙去後黃公壚下幾經秋亡友洪筠谷沒七載矣

蒼龍吹角棘闈開指日秋風動草萊士子新書隨地貴
文人慧業得天來揣摩不到王楊體摸索終知沈謝才

聞道枚生歌七發江潮日夜走如雷

強顏一笑鬪時妝狼籍眉圖半就荒暗裏點頭先永叔
定中慧眼後支郎久虛道子通神技重入儒童送選場
好問天台新桂子秋來究竟為誰香

李三脚下盡滔滔底用青田壓爾曹狂士宗風今未遠
秀才科第古原高詩家月旦通花譜名友蘭言變楚騷
料得神仙終換骨金瓶昨夜乞清醪

大兒文舉小兒楊
磐弟梅兄樂趣長
謝客詩名宜不及
麴生風味恐難忘
饒君局外觀棋審
笑我塵中插脚忙
一別美人又千里
故鄉明月在他鄉

爲方山人 繫題紀遊圖 乙未

畫裏青山見永嘉
赤城峯下是君家
乘霞又逐劉根至
三月相逢正落花

烟雨樓頭日日春
鴛鴦湖水碧於塵
爲君一事轉惆悵
未向青山弔美人

浪說神仙愛浪遊
瑤花何處夢揚州
狂來更向青天問
不識今生幾酒樓

東南舊有湖山美
天勅頭銜與寓公
我願他時健腰脚

從君西北訪空同

薄遊

十里踏青去桃花
路不迷春人隄柳
外酒店野橋西新
水魚苗長和風麥
穗低詩腸成鼓吹
相與聽黃鸝

種蕉

不盡爲聽雨空庭
多種蕉幕天春夢
緩琴榻夜塵消餘
綠上衣桁清光生
月寮鄭虔書更好
揮洒自終朝

久不得張磬菴學博 振夔書却寄

琴心流水寄相思
采采芙蓉十二時
君子久無鴻鴈信
門人近廢蓼莪詩
辭名許武終成弟
送力陶潛更責兒
莫歎廣文官獨冷
鷓鴣蝴蝶總吾師

墊雨逍遙折角巾。竹中佳士好風神。生公說法無頑石。
王烈居鄉有善人。芳草長留春後意。老松好伴歲寒身。
着花弟子知多少。肯遣彭宣入室親。近授徒於鄉
三日吳蒙未有名。故交張籍更多情。梅花鉄石心無碍。
香草冰霜意不平。我道魏徵多妩媚。君言夷甫太鮮明。
祇憐耆舊凋零盡。風雨黃墟涕淚傾。
謝君一見贈青棠。多事槐花日日忙。談藝座中誰勃率。
嘯歌門外自清狂。聞鐘蓮社心終禩。投筆蘭臺志漸荒。
我欲人間斷烟火。御風行謁水仙王。

小園

仲蔚門庭來客少。山中小草自精神。治生且免陳平瘦。

好俠何傷郭解貧。遲放花還嬌似女。畏寒蠶更倦於人。
垂簾幾日瀟瀟雨。不覺園林已送春。

謁東甌王廟

巋然廟貌古甌東。上巳桃花滿故宮。逐鹿雄心生壁上。
從龍義舉動江中。眼空六國興亡數。身歷三秦戰伐功。
此地曾傳小鄒魯。至今猶頌大王風。
百年高國又何人。高出長沙異姓臣。死後遺風猶尙鬼。
生前明德合爲神。渡江豪傑爭王楚。蹈海名賢絕帝秦。
不及馨香崇故土。椒漿桂酒四時春。

芝田官舍寓齋寄意

未解春風作遠遊。仲宣體弱怕登樓。槐陰匝地偏宜夏。

竹雨鳴窗轉似秋，獨爲西山還拄頰。相逢東野更低頭，酒酣耳熱談人物。誰問新亭第一流。

浩然樓懷古

盤旋浩氣薄蒼穹，不信斯樓竟屬公。歸去鹿門尋地主，生逢明世坐詩窮。梧桐寥落愁秋雨，楊柳蕭條怨晚風。一派江聲更嗚咽，何人携酒弔孤忠。

歸意

丙申

薄醉歸來半掩扉，一春小約負烏衣。林鳩逐婦還相喚，梁燕將雛又學飛。花影簾櫳風緩緩，柳陰路曲水依依。草堂盡日無人到，閒看紅梅日漸肥。

初夏

山經一卷縱流觀，花下烹茶試月團。望杏田家猶未雨，送梅天氣似初寒。晴光乍轉分蠶箔，春色無多在藥欄。祇愛小園風物好，及時櫻筍又登盤。

閉戶

無事一閉戶，編詩聊自抄。時魚新上市，乳燕再分巢。窗窄攙雲入，門閒任竹敲。元龍湖海士，不免俗人嘲。

夏寒

未敢典春衣，輕寒尙逼幃。風低知燕小，雨重覺梅肥。花嶼披書坐，魚磯把釣歸。松臺山色好，相對漸忘機。

病足

敗我遊山興，籃輿漫苦邀。辛勤把詩卷，寂寞過花朝。佳

客彈琴對春愁借酒澆待看健腰脚華岳訪松喬

催租

布穀聲聲急催租日日忙吏威還假虎官瘠反如羊措
大硯無稅貧家書有倉舊聞潘邠老詩興阻重陽

孟夏雜詩

雨近梅天漸漸多鄉人一月罷春儺芙蓉塘外輕雷動
爭奈頭蠶未醒何

小園開歇紫棠花新摘雲腴愛我家穀雨纔過三四日
門前喚賣裏山茶

洗紅忙到女兒家花價今年比舊加知是一春天少雨
百錢止買一斤花

蕭蕭薇蕨入齋厨解識鱖魚味也無忽聽隣家買筍肉
頓教對竹想花豬

中庭過雨長莓苔莫道柴扉叩不開一樹櫻桃紅自好
野人多事送新來

東山懷謝康樂

初日芙蓉妙自然文人慧業况生天得名誤落延之後
成佛終居孟顛先三月牡丹偏未見千峯雁蕩竟無緣
池塘春草年年長舊夢西堂已不傳
永嘉山水終無恙江左文章近若何生得深恩全杜治
死猶大願了維摩白雲巖下屐聲少紅葉村前秋意多
祇惜九原不可作石門詩句幾傳訛

書宋景濂秦士錄後

萬卷藏胸多不平一時睥睨受狂名酒酣急取儒冠溺
何止常談壓老生

老死蓬蒿亦可哀百年禮士失奇才誰將十萬橫磨劍
看取封侯萬里來

風雲馳驟出精神白劍雙飛電繞身至竟鉄槍難比擬
清談馬稍又何人

功名不到棘陽兒王屋山高歎命奇鍊肋銅筋無所用
可憐生竟不逢時

雨意

久未入城市懷人心轉遐雨聲多在竹春夢不離花種

菜英雄事捶琴小隱家詩腸得鼓吹兩部有鳴蛙

編詩

白日倏已過編詩聊自寬地宜槐夏靜天入麥秋寒得
句古人易知音今世難一篇親手錄付與阿舒看

知我不知我付之一笑間詩中有真樂門外卽名山坐
兩日無事詠花人自閒性情此陶寫好句莫教刪

雨夜

三疊琴心靜不譁蕭蕭門外卽天涯孤燈爆雨小於豆
古劍蝕塵寒有花長覺清風入我室那知殘夢傍誰家
一泓已沁詩脾後莫爲吟多更飲茶

草堂卽事

卧遊長自掩柴扉，不畏青山笑我非。
玉軫春寒琴夢老，珠簾人定篆香微。
忘機漸覺知魚樂，多病翻教妬鶴肥。
日暮展聲花外響，遙知穉子挾書歸。

贈徐耘石

浮生苦恨學雞廉，有限光陰擲米鹽。
名士性情惟辣少，秀才氣味怕酸添。
食蟬祇覺從前誤，啖蔗何妨入後甜。
留得三間王冕屋，梅花歸去日巡檐。

客囊尙喜不詩慳，一卷清華水石間。
與婦歸謀藏斗酒，生兒待認出金環。
大官鹵簿知龍尾，小好樗蒲見豹班。
漫爇瓣香親下拜，等身著作自名山。

夜坐讀鶴田先生詩有得賦此

丁酉

南華意氣妙相忘，生願黃金鑄子昂。
味道久時梅子熟，聞根淨後木犀香。
人間空有箏琶耳，世外終無錦繡腸。
未得韓門作弟子，雪車冰柱是詩狂。

久雨

天色易黃昏，連朝宿霧屯。
曲廊蒸石氣，深院積苔痕。
影濕烟沉瓦，聲喧屐到門。
宵來忽開霽，酌酒看金盆。

夜雨

聽雨不成寐，今宵如許長。
薄添衣桁潤，寒斂夜燈光。
蓮漏殘聲應蕉心，急點忙朝來。
池上望新水，又平塘。

雨霽望松臺山寄潘子

開門還看雨，松子落紛紛。
古堞欹殘照，前峯抱濕雲。
故

人天未遠山色望中分今夜見新月清光猶爲君

趙承旨畫蘭

自甘蕭艾逐黃沙露葉烟枝着意斜九畹難尋乾淨土
十年曾佩帝王家江南處處生秋草河北人人唱李花
一樹冬青零落盡蘭亭風雨隔天涯

桃花源記題後

山中猿鶴漫相猜物外田園一境開尙得有詩存甲子
不愁無地起樓臺塵揚滄海世三變飯熟胡麻人再來
自古神仙都縹緲醉鄉深處卽蓬萊

青田觀葉法善石刻像

研朱點易破三餘卯酉山中舊卜居聞說追魂碑尙在

仙家解愛李邕書

月宮聽罷紫雲回遺像荒涼照綠苔夜坐空中聞擊劍
癡情還望翹生來

旁有試劍石

晚晴

雨歇暮烟斜晴光上碧紗歸雲開遠樹飛鳥帶殘霞山
色濃於翠葵心煖欲花夕陽如有意多照野人家

食粥有作

臨聽鷄鳴應自笑黃梁無夢對殘缸貧家食品宜三九
措大閒田只一雙經味不知王短簿詩肩定瘦賈長江
歸船載得桃花米采菑何勞怨此邦

永嘉顏魯公祠

大玉山館今體詩金 三三
蕭蕭祠殿拜平原曲曲溪流碧繞村木葉空庭鼯鼠語
龍蛇古壁雨風痕曾從諸葛崇鄉祀未許顏標託裔孫
零落黃金重歎息永嘉一脉至今存

長安天子不知賢當道豺狼竟十年浩氣一生餘翰墨
忠臣九死幾神仙大言能屈李希烈殘誥猶存朱巨川
誰爲萇宏藏碧血蔡州落日有啼鵑

菰溪道中

風帆葉葉上菰溪獨客籃輿轉向西榕樹陰中松鼠過
棗花香裏竹雞啼一羣黃犢夕陽遠三面青山霞影低
縷縷炊烟林外起故人家在白沙隄

菰溪早發

行色辨熹微晨光上客衣巖花承露放山鳥破烟飛茅
屋雞聲亂松林虎跡稀渡頭人語處楊柳自依依

賦得看月憶西湖

湖心亭下五秋風畫舫燈帷相映紅簫管兩頭花四面
夜深行入月明中
沙堤十里路迢迢行過晴虹第幾橋今夜月明何處是
怕人樓上更吹簫

孤山斜月路三叉秋草全迷處士家好約年年猶未踐
雪天騎鶴看梅花

萬松無影月模糊四壁青山作畫圖擬學卜居徐冲晦
子孫世世住西湖

舊約春風作遠遊月明全上望湖樓牙籤萬軸長相憶
仙骨珊珊李鄴侯

清波門外柳如烟無限風流問昔年殘月滿湖秋水白
不知何處葬青蓮

月鈞曾照紫薇郎回首人琴兩渺茫剩得青田元鶴在
他年配食水仙王

酒債尋常二萬錢西風惆悵鳳頭箋白公祠外多明月
羅隱錢唐又一年

將有東粵之行書示小石姪四首

戊戌

竹林坐對阿咸家舊業南涯接北涯叔父中郎皆小草
交遊端伯半名花真才幾見露頭角餘論安能借齒牙

我比王湛痴更甚山濤以下不須誇

茶山嫡派已遥遥棠橘蕪魚恨此消對客一聲雛鳳好
驚人四座阿龍超東山絲竹中年感北海尊壘小戶驕
我不能詩猶擁鼻紛紛大雪下今朝

松臺山色翠於螺桃李春園樂事多大柳舍人名獨樂
小坡居士學高歌樽無俗客賞花對輿有狂奴看竹過
我較少文更疏懶胸中五岳不平多

蕭蕭行李敝貂裘春水桃花又遠遊縱不因人猶滅灶
何當作賦更登樓過江名士多青鬢入洛華年尙黑頭
我亦子由防坐廢強隨叔黨學風流

溫溪舟中

書約卷之三
五千里路作春遊行李蕭蕭且敝裘絮影風前慈母線
琴聲江上故人舟功名已讓方三拜聲價終爲第一流
此去嶺梅開尙好南枝教我幾分留
久爲他人作嫁忙而今撒手出名場交遊有道庾郎幕
富貴無心陸賈裝不怨貸錢鄉誼薄祇愁負米客途長
平生張丈殷兄意肯共車裘一例忘
梅花又逐一年新江上明朝始立春多累向平難遂願
遠行奉倩易傷神臣家愛我惟痴叔兒輩承歡得替人
記與阿咸同守歲道南犢鼻未妨貧
誰信陶潛嬾折腰飢來驅我更無聊黃金臉厚元儒拙
青眼緣稀白士驕後福容容多失馬此情落落怕聞鴉

蘭臺不少傭書計投筆猶能效老超

曉抵常山縣

昨宵何處雨春水滿前汀宿霧全湖白遙山半郭青曉
光浮櫓去殘夢逐鷗醒行入杏花市人家門尙扃

舟至河口

溪行十里見村墟無數人家近水居聽鳥忽思沽美酒
看山渾似讀奇書迴塘楊柳千金鴨新漲桃花一尺魚
修竹吾廬何處是倚門暮色正蕭疎

松樹灘看月

夜色明於水蒼松萬樹烟天風吹鴈斷江月向人圓鶴
夢橫塘路琴心海上年舉杯無限意清坐四更前

暮下連珠灘

漁火隔林微，人家半掩扉。
灘聲連石走，帆影挾江飛。
富貴今生偶，關河昨夢非。
十年爲客意，草色上春衣。

弋陽弔謝文節

楓葉凋殘玉樹哀，故鄉亂後一歸來。
寂寥山水枯桐在，蒼莽風塵古硯災。
天以孤臣存碩果，人猶亡國薦遺才。
傷心誓守危城口，空識將軍戰馬回。

瀛國空存信，國亡君臣一代淚。
蒼茫勤王心事悲，臯羽講學淵源接。
建陽南渡別無乾，淨土西山猶有蕨薇香。
蕭蕭落日憫忠寺，留與行人弔白楊。

泊貴溪縣

舟行下灘疾，溪上又黃昏。
曲岸抱新柳，孤燈明遠村。
歸巢栖鳥定，爭渡野人喧。
三尺陂塘水，依依長舊痕。
一縣臨溪小，溪流繞九回。
燕從今日至，雲是故鄉來。
村酒當春熟，江梅向晚開。
維舟坐無事，消遣作詩才。

夏貴溪

貴溪已少介，溪兒二姓賢。
好事可知未許乞，恩哀白刃空聞執政媚。
青詞邊功誰起，河山議朝局偏當。
水火時又報江西人作相，爲君一詠鬪鷄詩。

舟過瑞洪東風甚大

滿載春愁安穩過，浪花堆裏且婆娑。
山如措大知名少，水比神仙歷劫多。
生世無情皆草木，出門何地不風波。

買魚沽酒前灘去落日船頭一放歌

鄱陽湖懷古

山河龍戰血模糊紀信功名世豈無雷雨昆陽塵大敵
風雲廣武拓雄圖太平有日騎驢笑急難何人躍馬呼
守戶祇憐張九四未能一步出姑蘓

登滕王閣

笛裏梅花落更開遠遊作客且登臺片帆雲影橫空去
負郭嵐光照眼來帝子江山無舊跡少年詞賦出奇才
臨風不盡千秋感笑注春流入酒杯

溪望

薄酒難成醉江天已晚霞亂帆春水渡獨樹老漁家新

綠歸堤柳餘紅落野花故鄉更何處一帶白雲斜

舟中望吉水縣

小溪最深處一片午鷄聲野水綠浮岸亂山青入城故
人多仕宦此地擅科名落拓江湖客頻年載酒行

十八灘

十八灘頭水三千里外舟風行松夾道浪劃石中流境
險從詩闢天空任鳥遊出門何惘惘辛苦稻梁謀

夜抵南安

十日瞢騰醉舟行直至今山雲遲客意江月定人心夢
與故鄉遠春從前夜深嶺梅應未落招我上高岑

過大庾嶺

連朝細雨長烟蘿客裏雲山得得過春色北枝生意足
名臣南國左遷多關河鎖鑰窺全粵文字泥鴻著老坡
七尺青袍照春草天涯遊子恨如何

南雄下舟

又買扁舟去滿湖春霧凝艣聲深夜兩人語遠村燈小
飲知誰與高歌愧未能運租船上客幾負月東升

一峯

灘外一峯立何年肯折腰雪消山骨傲水咽石頭驕野
鶴隨人瘦林花向客嬌勞君歌桂樹大隱不堪招

舟中讀岳忠武傳

順昌旗幟避英雄十二金牌獨召公豈盡夫差忘殺父

非關魏絳主和戎君愁淵聖生還國臣妬孤軍外立功
縱使當年不受命可能成事必蒼穹

重議烏金鑄佞臣魏公罪重四凶輕始聞秦檜薦官使
終見杭州作汴京可奈相公多睡語自非太尉孰知兵
張家鍊臉今何在事比東窻更不平

大業中興一委卿精忠手勅字分明一綱未必梗和議
百檣焉能制死生早識天心屬靈武豈甘臣虜壞長城
前車并有劉苗鑿深忌英雄父子兵

高閣沉酣酌表勲黃龍遺恨痛諸君十年淚與班師下
八日書徒破賊聞覆水難收文少保撼山長弔岳家軍
西湖亦有冬青樹誰誌宜人賈氏墳

雨過青遠峽

入峽峯逾峭人從畫裏遊雨餘山氣重烟外櫓聲柔遠
愛花迴浪清疑竹洗秋鈴羊風景好重問古端州

望飛來寺

蒼翠空濛展畫圖此中間說有仙區清湘十里竹圍寺
柔艣一聲烟滿湖名士相逢流輩少好山終覺故鄉無
白雲飛墮松門外知在西來第幾株

三水縣夜發

雲影連帆影風聲合水聲山低春夢重月落夜潮生曉
色籠村驛扁舟過縣城一燈紅不定又向渡頭明

佛山

春色橫塘十里長滿江風月不尋常木棉花下停官舫
玉笛聲中夢故鄉五斗折腰分鶴俸一錢羞意看詩囊
送人作郡滔滔是祇恐青山笑我忙

抵粵二首

青袍落拓遠遊來兩月光陰一酒杯春水喜逢風北至
名花剛向日南開馬周家客還言事杜亮人奴尙愛才
惟有壯懷消不得明朝行上越王臺
五羊仙客不須猜我是南行第一回安石出山猶小草
陸機入洛亦常材地爭黍谷春前煖花在羅浮夢裏開
共說珠江風月好幾人解爲荔枝來

雨夜

戊戌

杯酒竟何物夜來生百端地經梅雨濕春入麥天寒風
月閒情往文書倦眼看牢愁無以伴吾道况艱難

廣州雜詩

宣華廢苑草痕肥歌舞岡前送落暉黃屋由來真主少
綠珠終竟美人稀羚羊峽口三災石蝴蝶枝頭五色衣
開到木棉花事好東風一月亂紅飛
紛紛君子南遷去天地無情白日昏我輩不難放蔡確
兒曹何必怨章惇黨魁李相爲司戶吊客虞翻作佛門
今日蠻烟蠶兩地青山一髮是中原

開闢宣卿作狀元末流蠶室不堪論閻羅關節猶官長
越使歸裝且子孫文士難填冤烏海美人易醉好花村

仙家何地無烟火祇讓騎羊五客尊

南荒不死毘陵死天爲蘇公意更濃符老秀才堪與飲
大惇丞相豈能容有情重集枝頭雀無意還吟蟄後龍
獨愛潮州吳介石躬親泥水日相從

客樓排悶

出門拔劍大無端閉戶橫經不耐看楊柳樓臺三尺雨
杏花簾幙二分寒茫茫逐隊文章賤碌碌承歡菽水難
寄語閨中小兒女阿翁遠道日平安

風景不殊千里目江山如此九迴腸塵生孤館春愁積
寒戀重衾客夢長勝下英雄朝入市眼中碌碌日登場
當頭知我惟明月一度相逢一憶鄉

登觀音山

金粟玲瓏照眼開，佛桑紅處一徘徊。
鐘聲常在空中定，山色都從海上來。
十丈峯頭懸日月，四圍花影抱樓臺。
可能乞得楊枝水，落落前身是善財。

虞仲翔故宅

菰蘆才自出江東，咄咄孫郎帳下風。
求婦幾人論族姓，擇君亂世薄奸雄。
湖山滿目羈臣遠，天地無情故宅空。
惟有百年貝多樹，清陰長護佛門中。

龍虎山川竟舍諸，君王積怒復何如。
辯才未許折諸葛，說客猶能降子魚。
留得千秋虞氏易，可堪一紙廣州書。
宋唐君子南遷路，天遣公開荆棘初。

哭青田端木鶴田先生八首

宋玉悲秋氣爲君，賦大招歸魂。朱鳥遠羅刹，黑風騎李。
委壽長笛王褒謚，洞簫生年不滿百。此恨古難消。
天寶用才年偏遺，李謫仙驚人。謝眺句齊物，漆園篇中。
酒得清聖今書見，草賢折腰肯相向。鄉里小兒前。

天下才一石，君分八斗多。大名冠南國，晚歲號東坡。
座上英雄論人間，言語科黃公。酒壚下邈矣，若山河。

五十讀周易，平生大過無。古人亦烏有，老子殆龍乎。
碌碌看餘輩，空空謝鄙夫。談元到王弼，終覺鬼才粗。

少得鷓鴣號，老爲蝙蝠精。君才難令僕，兒輩易公卿。
眉宇紫芝遠，頭銜紅杏輕。祇憐花地主，寂寞赴蓉城。

五色江郎筆餘年註葬經買山隱支遁荷鍤瘞劉伶上
界歸奎宿東方出歲星公今在何處遺貌照丹青
我輩幾名士君眞第一流寓公尊六代揖客重諸侯鄉
里善人足翰林學士優蓋棺有定論詩筆兩千秋
剩有霞山子殘年亦古稀故人餘白髮舊巷弔烏衣
酒不忘諾尺書安所歸屋梁看明月夢境兩全非

謁二忠祠

海若天吳不效靈故宮夜夜泣冬青衣冠草莽行臣禮
風雪間關講聖經寶祐同年幾忠節淮西當日小朝廷
傷心文謝無窮淚併作崖山戰血腥

祠堂古木易黃昏百尺寒濤夜打門天水無家悲幼主
崖山有土葬忠魂南來丞相餘生苦北去遊民碩果存
地下相逢惟一哭多情遑問趙王孫

將之封川留別廣州

我遊將一月爪印幾泥鴻海氣今朝雨鄉心昨夜風別
來春草綠看到佛桑紅落落青山客何人識厲公
又別廣州去孤舟行向西花田素馨遠荔市絳囊低梅
雨一番歇鷓鴣何處啼珠江春水急流夢到封溪

珠江曲

珠江烟月太繁華一半玻璃占狹斜南國采殘紅豆子
東風開過白蘋花木棉城郭郎來路鸚鵡樓臺妾住家
祇解逢場且行樂相思從此滿天涯

檀板金樽夜夜遲，眾香國裏幾情痴。
有人打槩迎桃葉，爲汝挑燈譜竹枝。
百歲光陰如過客，一家兒女解相思。
綠珠山下胭脂水，流出花田片片隨。

食荔支

何物神仙冰雪腸，藐姑風度不尋常。
玉堂三月防風粥，一縷清心是妙香。

江左風流絕代姿，鄭虔書品幾人知。
綠天庵下低頭拜，初寫蘭亭恰好時。

冰心一片玉壺中，有酒端宜酌次公。
可惜諸楊盡年少，小兒德祖但家風。

老饑食料我何堪，春夢無多亦嶺南。
醉後欲題三百顆，

千卿底事寄黃柑

寄懷東甌諸友

頭顱如許負青春，莫道狂名隔兩塵。
天旣生材終必用，人猶言我豈長貧。
逢場花月都無恙，下筆江山況有神。
報道邨生今入幕，青蓮依舊不稱臣。

爲愛青山更遠行，不除豪氣尙縱橫。
催人歲月垂垂老，見客威儀觸觸生。
寂寞詩名千首賤，尋常酒債一身輕。
故鄉明月他鄉雨，飛夢依依繞鹿城。

行行故我總依然，戀棧雄心感舊年。
腹笥五千何道德，腰纏十萬幾神仙。
仙氣來函谷，青牛外夢落揚州。
白鶴前夜半聞鷄，猶起舞着鞭已讓祖生先。

檀板金樽夜夜遲，眾香國裏幾情痴。
有人打槩迎桃葉，爲汝挑燈譜竹枝。
百歲光陰如過客，一家兒女解相思。
綠珠山下胭脂水，流出花田片片隨。

食荔支

何物神仙冰雪腸，藐姑風度不尋常。
玉堂三月防風粥，一縷清心是妙香。

江左風流絕代姿，鄭虔書品幾人知。
綠天庵下低頭拜，初寫蘭亭恰好時。

冰心一片玉壺中，有酒端宜酌次公。
可惜諸楊盡年少，小兒德祖但家風。

老饑食料我何堪，春夢無多亦嶺南。
醉後欲題三百顆，

千卿底事寄黃柑

寄懷東嶽諸友

頭顱如許負青春，莫道狂名隔兩塵。
天旣生材終必用，人猶言我豈長貧。
逢場花月都無恙，下筆江山況有神。
報道郗生今入幕，青蓮依舊不稱臣。

爲愛青山更遠行，不除豪氣尙縱橫。
催人歲月垂垂老，見客威儀觸觸生。
寂寞詩名千首賤，尋常酒債一身輕。
故鄉明月他鄉雨，飛夢依依繞鹿城。

行行故我總依然，戀棧雄心感舊年。
腹笥五千何道德，腰纏十萬幾神仙。
氣來函谷青牛外，夢落揚州白鶴前。
夜半聞鷄猶起舞，着鞭已讓祖生先。

楓落橫塘漸有霜故鄉風味不能忘才人自古多於鮒
博士從今瘦似羊白紵秀才無利市青袍幕府卽名場
故交多少殷勤誼爲計千金使越裝

食嘉魚作

丙穴在封川嘉魚出焉與舊說互異

分明南海金齏鱠重結西川玉局緣少讀毛詩猶不熟

國風小雅想當然

九日同人邀遊東山

籃輿斜度翠微灣客裏登高強展顏濁酒論心猶我輩
浮雲回首是鄉關鴈邊秋色有時至草際孤花相對閒
安得乘風便歸去謝公遊處舊東山

同人飲文昌閣

初向嶺南作重九賞心樂事幾人知季鷹且遣杯中酒
荀鴨空留壁上詩白袷寒生今雨早黃花開比故園遲
座間半是天涯客應有孤雲望遠思

別封川巳亥

東風歸路好尋春回首鴻泥尙有因安石不來無此客
雲英未嫁孰如人江山滿眼英雄老花月逢場涕淚新
我亦頻年感行役最難遣處是思親

重過三水縣

三水交流處圓渦轉綠蘋春風猶作客燕子慣依人新
柳見前驛浮雲迷舊津青衫行路感誰念寄公貧
韶關換船寄少白

孤舟西去水東流一樣懷人兩樣新
鴻爪無情忘作客虎頭有相薄
封侯北山猿鶴從初志南國鶯花待後遊
且藉雙魚報消息布帆今日過韶州

灘行

記得春遊晚上灘亂流聲裏入南安
功名碌碌因人熱風雨瀟瀟行路難
客子十年勞遠夢江天二月送餘寒
扁舟下水輕如葉前度青山倚枕看

張家渡文信國故里四首

文筆峯高卓不移浩然正氣見歌詞
分兵四鎮非迂論結客千金此散貲
奇士頭顱爭死義全家骨肉痛生離
五坡嶺下堪嗚咽何待崖山風雨時

清江劉佚又勤王絲竹中年恨渺茫
單騎明因關氣數大聲阿剌識興亡
牧羝遼海無歸日騎馬真陽非故鄉
魂魄有知感衣錦狀元宰相自堂堂
歛手英雄出世豪一經兵解卽仙曹
頭顱北去君恩遠齒髮南歸友誼高
故國河山半牛角小樓身世亦鴻毛
西臺空擊竹如意朱鳥無聲弔謝翱

廬陵血淚墮紛紛故國生前一祭君
少帝無家滄海日孤臣有母惠州雲
茫茫世界空存宋落落居人尙姓文
嶺上梅花公再世招魂何處史家墳

安仁縣

欸乃一聲櫓湖光綠上衣茶香談藝少
琴語解人稀野

水纔三尺名山總四圍年年春草長所喜遠遊歸

豐城縣懷王文成

志節勲名孰與同九華山裏坐春風先聲易奪奸王氣
後福難爭嬖幸功不意將軍有威武始知天子是英雄
當時擾擾君臣局盡在從容智量中

瑞洪觀打魚

萬斛桃花水千頭柳葉魚此中有真樂欲傍釣人居

貴溪懷古

獵獵菰蒲倚棹時貴溪風景耐人思地當鬼谷愁無主
天入靈山竟有師一士恩仇盡涓贖六王游說鬪秦儀
誰將富貴神仙念說與東風草木知

灘小水乾舟不得上河口待雨七日感賦

匝月偏無雨舟行上水稀山雲浮岸出江燕傍船飛毋
念子行路翁憐兒侯扉東風吹草長新綠滿征衣

玉山道上

懷玉山前路行行上翠微野花迎客笑林鳥促人歸天
遠白雲起風低黃蝶飛故鄉春正好為我駐斜暉

暮抵蘭谿

布帆風色好隨意下斜陽山覺故鄉好春從流水長劍
才空抑塞酒債亦尋常且逐雲歸去行行為底忙

石門春曉

曉色擁歸橈青溪路一條石門初落月甌浦正平潮出

岫雲猶嬾還家夢轉遙我懷赤松子洞口長芝苗

宿江心寺

一片江心月照人曾遠行誰知今夜永又看海潮生地
靜聞雞唱天空見鹿城客懷猶未已清坐數殘更

江心謁文卓二公祠

少保忠肝如鍊石侍郎諫疏係安危生憐跼踏家山夢
死謝尋常國士知先後百年扶正氣東西雙塔倚荒祠
臨風重下前朝淚淒絕書生授命時

謂顧樹屏也

八詠樓懷古

平生愛誦郊居賦今向樓中弔古人自許王筠作名士
不知袁粲是忠臣齊梁尺土回頭失西北浮雲滿眼新

已矣青衫沈家令尊前誰復識君身

金華山色上樓遲文物風流盡在斯一字隱侯爲定論
四聲才子始言詩南朝易主臣都好西邸逢君貴可知
誰爲沈郎築書室猶勞滿壁寫新詞

裏溪早行

戲用溪西雞齊啼韻

松裏人家竹外溪白雲圍住曉峯西烟開遠渡初浮犢
日出深林未散雞宿翠二分經雨墮晨光一抹與山齊
肩輿擬續宵來夢榕樹陰邊烏亂啼

懷曼琴兄

惘惘出門去貽君一紙書弟兄情獨厚兒女累兼除明
月故鄉夢美人秋水居在山原小草猶得借吹噓

再呈曼琴兄

裘敝歸來月又初，敢言多病故人疏。
籃輿半道難乘興，風雨三秋未寄書。
兼有蘓家詩友分，幾時瓦屋弟兄居。
平生請粟分金誼，比汝憐才恐不如。

新居呈鄭菊如，即用前韻。兩韻具次一林與山齋。

却笑王尼露宿車，一叢修竹隱吾廬。
壁詩多似杜荀鴨，家法嚴於華子魚。
鄰雅喜逢新熟酒，家貧剩有舊藏書。
張融東出愁無水，不得舟居且陸居。
來往春田石徑斜，小溪新綠繞桑麻。
一聲老鳳分雛鳳，十里王家接謝家。
陶令宅邊有楊柳，秦人門外卽桃花。
百年幾兩游山屐，風景何曾遜永嘉。

有憶曼琴兄

累棋采蠟幾經秋，別後應傷夜雨神。
自昔以花爲卜友，從今邀月作三人。
所欣文字稱知己，莫爲兵戈嘆不辰。
一片白雲無遠近，松臺山與鴈山鄰。

中秋前一夕對月有感

夜涼怕有瀟瀟雨，少女微風在樹頭。
幾見缺時修寶戶，不勝寒處望瓊樓。
花間清影三人對，酒後狂歌萬事休。
可惜天邊未圓月，秋來祇解照離愁。

立秋後四夜聞絡緯有感

微微小雨過齋頭，絡緯聲中一味秋。
金井風回月東出，玉階露下火西流。
人家處處縑車響，客路年年襍被遊。

今夜一絢絲幾許吟心與汝共綢繆
盡情啼向早秋天補畫幽風蟋蟀前嬾婦無心驚促織
瘦人多病計添綿饒他刺刺千絲轉破我鰥鰥一夕眠
枉說自家出機杼文章寂寞悞華年

偶成柬次石弟

閉關頌酒又經旬風物園林過眼新步履春前一相訪
出墻杏子正生仁

籃輿底事此緣慳脚疾陶潛半愛閒孤負松臺好蒼翠
近來一月未看山

麴生風味洛生咏至竟朱門樂趣多一事輸君無可說
杯鎗不識水曹何

後來猶恐敗人意獨計從寫我憂下澤車隨欵段馬
頗哀老子得遨遊

客中感懷

瘦鶴璩璫羽不開秋風多病怕登臺名山半藉籃輿往
小草誰收藥籠回兒女忘情猶有累文章言命輒無才
狂奴故態窮途淚忍向西牕却話來

和小石姪暮春卽事元韻

讀破群書氣不華依然春色妬鄰家大名解頌劉伶酒
博物分箋陸羽茶半壘新泥棲客燕一庭芳草問官蛙
風流最愛王曇首拚得閒情與戰瓜

花裏亭臺屋外山三分清福二分閒如君直是羲皇上

置我何妨季孟間
佳意庭階譽樹去
妙心滄海聽琴還
言詩自得風人旨
漫道中郎強展顏

數月不面每有阿咸之思
作此以柬小石姪
秀才村裏轉勾留
記否烏衣舊日遊
杜固昔曾回壯氣
仲容早已預清流
竹林深處環精舍
花萼當年醉小樓
多事世人較和嶠
我從蠟屐定君優

大雅悄悄譽不虛
近來遵彥又何如
癡人周易真知我
佳句毛詩或起予
號令當時一寸燭
聰明少日八分書
可憐卿輩留連物
老吏平生華子魚

謂小城

捐刻姓氏

徐學誠 莖生

葉鳴鶴 石泉

葉璋 莪士

李蔭衡 次橋

沙邦侗 侶仙

徐顯鏞 霞浦

蔡鍾秀 杏湄

蘇州府志
卷之四
藝文志
詩

蘇州府志

蘇州府志

蘇州府志

蘇州府志

同治己巳嘉平

雲風草堂詩草

雲風草堂詩草

永嘉曾

增曼琴

感懷

莫漫尊前浩蕩歌年來心事總蹉跎材非夔下知音少
金盡牀頭感慨多帝里風光容易別寒氊歲月等閒過
山城又聽黃昏雨添得春愁勝綠波

題姚仲蔚歸真記後

姚君仲蔚有妹珊珊才慧而天仲蔚為作歸真記填詞

長掃雙眉事筆牀左芬才調自相當西風忽灑孤墳淚
腸斷人間賈二郎

窗前尚憶吟詩句空際誰聞響珮環無可奈何為消遣
說他天上勝人間

暫現曇花劫後身去來無妄亦無真十年不乞雙星巧
便是生天慧業人生少阿儂甘樸拙十年不解
拜雙星珊珊七夕斷句也
秋燈切切照書帷譜出臨川絕妙詞莫使當場歌往事
謝庭飛絮不勝思

撚花仕女畫卷

春寒攔我卷簾遲開到紅欄第幾枝若箇兒郎惜金縷
看花孤負少年時

秋柳絕句

無復青青舊日痕金枝搖落最銷魂關情莫問烏啼處
昨夜秋霜墮白門

送林石笥入都謁選

騁罷雕韁攬錦裘平生踪跡慣豪遊大官奏記無雙士
上食傳餐有五侯言偃牛刀原小試韓稜龍劍會相酬
此行不負奚囊富看到江山萬里秋

同巖雪坪遊虎邱

燈月河橋漾碧流錦襦烏帽又扁舟橫堤瘦影風前柳
倚笛新聲水上樓花眼照人憐旖旎酒尊對客且淹留
當頭欲問秋消息時遲開榜
桂府吳剛不解愁

次石弟屬題畫扇

牽風苕葉碧田田貼水新蛙翡翠鮮吹過跳珠一晌雨
東湖湖外晚涼天

吾家占得灣頭住慣聽官私噪夕陽兩面菰蒲三尺水

風光又點小陂塘

竹史叔新營生壙索詩

山魏之間著臣叔白窠不肯蹈凡碌青山埋骨土一區
達者視之猶我屋阿咸舊伴竹林遊此日松關一諦眸
絕勝腥羶汗鹿跑百年安樂好菟裘

遊東坑

山徑迂透入楓丹榭葉黃寒泉春淺確夕照散平場石
妥當溪坐林深有寺藏更期春雨後來看瀑流長

素心蘭

試從巖谷問前因萼綠仙人足等倫晨夕香生虛白室
根株夢斷軟紅塵可同臭味惟逃俗畧帶風華便欠真

四座無言相對處庭階月色正如銀

不須雕幔密遮藏淨几明窗韻更長處士自憐空谷影
美人偏學道家粧三宵露滴清無迹九畹霜新淡有香
好與尋盟向幽獨孤芳相賞莫相忘

立秋前一夕諸同人怡園小集

一雨破秋意庭階淨如沐河漢淡有無雲氣迭興伏游
魚闌涼波流螢翳深竹景物何芳嘉朋儕欣相屬翩翩
盛年華釘座人如玉深杯百不辭但愁更漏促我本蕭
索人招邀且入局談笑劇歡娛散誕脫拘束風月無古
今人事有往復夜闌醉言歸西風動林木

樂湖十一景詩

萬樹虬枝曲抱根松臺一望欲成屯烟通曉色青浮郭
雨潤濃陰綠到門入夜風濤琴筑應當春禽語管絃喧
主人終日常相對奚事勞心爭謝墩松臺翠靄

夕陽西畔影遙斜試望晴空景色賒千尺垂虹明雉堞
一潭深水浸桃花帶波的的飛孤鷺翻背暉暉有暮鴉
紅蓼迎門楓壓岸秋光圍住野人家水郭晴霞

雙橋橋上試清游月色如銀卷素秋身世疑從水鏡貯
灘流都作碎光浮長壕倒浸綠城堞殘夜偏明近水樓
我欲憑欄招桂魄重翻水調奏歌頭雙橋秋月

梵王宮殿足幽棲響動蒲牢暮色齊百杵徐敲來竹外
一聲圓抱落松西叅從法界誰成佛吼比潮音定覺迷

好引詩人清興動義公丈室獨留題九山晚鐘

荷蓑荷笠滿東阡催動耕犁二月天放犢津邊泥欲滑
啼鵲塘外雨如烟綠波冉冉浮雙影紅雨絲絲壓一肩
差喜結廬農舍近杖藜時爲問春田春疇簞笠

風光點綴竟如何最喜兒童放牧多半里平鋪芳草地
一鞭斜映夕陽陂驅羣莫學神仙戲叩角誰傳忼慨歌
短笛數聲歸緩緩隔林笠影尚婆娑西嶺牛羊

泛宅浮家物外情輕疊拋處碧盈盈浮萍渚渚三篙長
春水魚蝦一夜生獨樹冥濛初挂影扁舟款乃又聞聲
前溪網得桃花鱖好換壚頭酒滿甕新水魚罾

何須結網與投罾霜下寒燈照不停幾日西風來郭索

有人家具帶笈簪芙蓉塘外遮三面葦荻叢中漾一星
祇爲老饕添酒興雙螯持飲不教醒

寒燈
鱗鱗

古樹離披暮色遮柴門有客數歸鴉霜楓露柏秋先老

水郭山村日又斜如煞恩情漢宮影儘教栖托丈人家

疎林一幅蕭蕭景好作倪迂畫本誇

古樹
歸鴉

水禽漫向水田飛盡日從容傍釣磯翹足立時波弄影

聳肩迎處雪裝衣天緣自信差堪飽鶴格曾偷不受肥

莫更遲遲猜未下野人共爾久忘機

斷磯
候鷺

平畦稻色正含芳拂拂流螢意自忙腐草先秋偏有耀

柴門臨水自生香清宵亂點雷塘影深碧時浮竹徑光

我已久疎車子讀書帷向夕不須囊

稻畦
流螢

結得瓜廬傍水湄羣蛙聒噪鎮相隨池塘雨過聞聲處

閨閣燈殘攪夢時風月有情供鼓吹喧騰無賴惱官私

稚圭自是高人躅不爲鳴笳聽便移

菰塘
吠蛤

山陰史葆翁五倫僧圖

僧惟無五倫我法闢其人僧若有五倫彼法應見瞋我

法用彼法渡筏無迷津彼法用我法大事君與親善生

男女眷無着弟兄身遠公廬山社嚶嚶求其羣便說西

來意不昧本來因儒童亦菩薩如是我所聞

飲彭六衙齋

吏散公庭靜不喧沉沉簾幙又黃昏春燈紅穗搖官燭

細雨新筍勸客尊榕葉江城堪宦隱棟花天氣半寒溫

大言宋玉驚河漢

時談海大魚

應笑人間蝨處禪

哭子璘弟

羣從烏衣自頡頏僧彌品第冠諸郎指揮才調傾時輩
歷落情懷企古狂不耐鬚眉隨刻畫終難鑿柄變員方
阿奴早具飛騰意出匣龍泉吐有芒
躡前蹟後福難齊明鏡朱顏暗轉移薄俗文章鸚鵡如
秋風橡栗鳳凰饑天教失路誰青眼人數宜城有白眉
回首幾人年少侶光輝裘馬自飛馳
縹囊無術慰饑寒地老天荒且自寬夙昔黃金揮土易
窮愁白壁滅癩難懷人詩好空騰笑乞米書成已斷餐
賴有如椽仍健埽不將豪氣落儒酸

風雨中宵倍黯然對牀情話更何年功名竿木憎才士
煙火爐頭誤散仙魑魅圖成原是幻瀛壖劫後復生天
子璘嘗寫五真圖一爲瀛壖小謫一爲魑魅爭光吟詩擬作招魂句坐向池塘
夢阿連

葛凌臺總戎

雲飛

楹聯遺墨

一旅倉皇駭電波猶留翰墨壯山河諦觀心畫鋒難狎
想見忠肝鐵不磨海上蟲沙餘慟哭人間球壁共摩挲
平原大節同千古姿媚蘭亭各白科

黃虹舫鋤經圖

大冊表青縑長鑿柄白木兩役萃一身既耕還以讀經
訓本蓄畚非石良可勵君看兒大夫西京兀高躅

孫琴西庶常海客授經圖

函夏今同文六經揭日月冠帶盛橋門
毳裘習緜絕琉球海外邦琛航貢重譯
侍子儼秀髦萬里携簞笈峩峩博士闕
魚魚修贄謁便便我孫君觥觥登講席
井生吐紛綸匡傳妙唇舌羲堯誦遺文
周孔敷論說沐浴鼓鐘靈臯音不待革
夜郎何披猖倭奴敢狂諄蠢蠢弄潢池
此計亦太拙大義在詩書兵氣銷劔戟
倚漢如依天覆載毋自絕

謁雙忠祠

張許列封疆睢陽並俎豆死地予以祠
國典由來舊八閩橫櫂檣甌土羅兵寇誓
志保孤城宰官與憲副閩帥

倒厥戈脅降不爲守兩公奮而起憤激
大聲詬叛卒聲汹汹霜刃夾其脰臂斫
氣益強頭斷身不仆熱血灑蒼穹風雲
慘白晝峩峩華蓋山夙昔有遺構丹碧
暗雕甍莓苔漬石甃風蕭雲旗翻月黑
靈車走同時從死奴恍惚尙左右摳衣
仰前楹再拜醑清酎忠義流芬香國賊
有遺臭

沈石田畫冊

石田老屋畫柴關詩筆蕭蕭畫筆間
一捻烟螺付方幅江南江北幾青山

同治庚午孟春

金石齋
藏書

雲西王金庚題

金石聲齋詩存

永嘉曾賢竹史

癸卯春吹臺山麓生壙新成紀事詩

哀樂中年已有涯
崦嵫西望夕陽斜
祇今解作休休計
買得青山屬我家
百年家世傍松臺
華屋山邱一例開
此事人生原有分
漆燈未爇沈彬來

當年子晉吹笙地
今占三弓作墓田
如此好山如此水
長生何必羨神仙

青桐花發墓門深
三十年來一片心
留與清卿證同穴
山巔先瘞舊時琴

雲山到處足棲遲化鶴他年未可知曠達何妨師表聖
客來睹酒復吟詩

浮生半日且偷閒
繭室營成力未孱欲爲前賢添韻事
好裁東絹寫名山

登新隴閒眺四律

平嶼山名山如几永甯山名望若仙塘長亭半築亭名橋橋名遠

水平連萬笏攢眉際三溪匯眼前郭溪雄高峰有君子

山名招手白雲邊

世事如轉燭名山無古今吹臺遺勝蹟我輩快登臨梅

嶼山名晴雲抱芝峯山名夕照沉天然列圖畫相對豁塵襟

漫言身後事詩酒且隨緣勝日來遐眺高風憶昔賢歌

聲振林木醉眼幻雲烟不覺天將暮澄懷欲證禪

吹笙人已去人去我來居萬古終坏土一生此墓廬天

高看野鶴寺近聽齋魚地有實閒與鄰僧話東山月上

初

孤嶼紀遊

中川古刹一浮萍挈伴清遊載綠醺繞郭波光連岸白

過江山色到樓青空明天別開詩境縹緲人疑對畫屏

文卓祠前多老樹風吹獵獵與誰聽

天際檣帆鏡裏遊百年身世等浮鷗燈紅野渡僧歸寺

月照長江客倚樓對酒攄懷情脉脉題詩憑弔思悠悠

東南名勝洵無匹莫羨金焦古潤州

浩然樓

雲物望中收江聲檻外流趙家無尺土丞相有斯樓浩
氣冲霄漢高情瞰斗牛登臨一懷古吟嘯海天秋

謝公亭

聞道永嘉守風流屐屢經詩情寄孤嶼遊蹟剩閒亭吏
隱江湖濶潮生天地青至今撫碑碣猶得仰英靈

自題自鏡小影

自笑拘迂甚形骸寄筆端浮生成夢幻清影照人寒閱
世朱顏換趨時本色難湛然還故我俯仰樂天寬
鏡人須自鏡相對有餘歡色相空中現鬚眉畫裏看倚
書忘坐久抱膝覺神完一片蒼苔石披陰竹數竿

半面渾難識星星鬢已殘精神隨月朗骨格凜冰團似
我若非我閒觀亦幻觀年華三百六顧影幸平安
誰憐無媚骨獨我足盤桓面目自千古清光此一丸真
形疑化蝶舊恨感離鸞頰破浮雲夢吟成墨未乾

素心蘭

太古生成色閒階放幾枝聞香容我契守素耐人思秋
水凝神候空山愜意時瑤琴彈一曲千載此心知
纫佩宜君子知心惟美人清風吹氣馥涼月入懷新詩
思澹如許瓣香淨存因猗猗誰與伍色相本來真

自龍湫寺越華巖嶺觀飛來羅漢

磴道迴環似武夷撥雲度嶺下欽崎山中夜雨靈湫長

天半仙風上界吹是處置身須着我真如在眼欲留誰
何年化石巖腰立海外飛來亦自奇

忘歸亭

湫背玉龍飛西風吹客衣一亭自終古到此亦忘歸

附錄

籐榻記

天之生物豈偶然哉物之成器亦豈偶然哉其生也有
自來其成也必有因此固關乎氣運而尤係乎人心予
族於甌五百七十歲去城西南二十五里之建牙鄉有
岷岡山前明嘉靖丁巳六世祖懋菴府君實墓於此距
今三百有六年矣墓旁松木成林蒼翠蟠鬱有古籐彌
漫山谷歲時展謁但見鬱鬱葱葱籠罩冢上莫可名狀
形家書云籐蔭延子孫昌非虛語也過而目之皆命曰
曾氏籐蘿墳於虜盛矣乎美哉其斯籐乎夫籐厥類甚
繁名亦不一詢之士人曰此名萬壽籐又名血籐稽諸

古籍未有明文而剖視其汁殆類血然子之所親見也
道光二十六年秋大風拔木喬蔭無存籐亦被壞吁可
慨也予率諸族人往視之墓廬幸無恙先澤尙未湮乎
遂刪繁蕪剔荆棘不忍委棄斯籐拾取數小枝以歸珍
而藏之忽忽已十六年嗚呼物不成器藏而勿用與棄
材同非所善後也乃命匠人量材而制之授之以意告
之以法布置得其宜模範合乎度竟成此榻恍然如對
我先人也或者靈爽其式憑乎爰書其顛末自撰聯語
張之榻旁爲後人勗乃知天之生物無棄材卽區區小
器其中有至理存焉材與不材間人可不自奮勉以成
其器乎哉雖異時榻之成毀未可知而因材尙象予誠

無負此籐也予老矣不克樹立光大前型徒抱不材悠
忽人世間良自愧耳願後之對斯榻者當思區區一器
天心也人事也祖澤也孫謀也此物此志也慎毋以爲
細物而輕視之也夫昔同治紀元壬戌冬至竹史甫記

跋

子璘曼琴爲同祖兄弟於余則同高祖兄弟也二人皆工詩而子璘所作尤富子璘旣死無子家君急檢其遺詩以歸分年爲集蓋子璘所手編也合古今體詩凡五六千首曼琴之詩不盡自留稿家君亦於其卒後搜訪得之故爲數不多咸豐己未季秋瑞安孫琴西先生僑寓城南家君晨夕過從遂出兩人詩請刪定將謀梓而家君棄不孝去矣良箴懼吾宗文獻凋落而且無以成先人之志也邀集同志合贊鳩工刻旣成而以家君遺雜作數首附於後摩挲手澤兼懷昔日花樹之遊不覺淚涔涔下矣庚午夏日曾良箴謹跋

通志序

卷

之